



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. I. Vtrum Consilium formaliter sit sola inquisitio rationis, vel etiam judicium seu sententiam intellectūs inducat?

---

[urn:nbn:de:hbz:466:1-77355](#)

## DISPUTATIO NONA

51. Probatur etiam conclusio duplaci ratione, A quam locis citatis indicat S. Doctor. Prima sic potest proponi: Sicut se habet notitia principiorum ad notitiam conclusionum, ita se habet intentio finis ad electionem mediorum: Sed impossibile est positâ notitiâ principiorum, non sequi notitiam conclusionis, qua cum ipsis habet necessariam connexionem, & cuius veritate non stante, nequit stare veritas principiorum: Ergo etiam impossibile est stare efficacem intentionem finis, & non sequi electionem unici medijs, sine quo non potest acquiri.
52. Secunda ratio est: Voluntas non potest (volitione saltem absolutâ & efficaci) velle impossibilia, ut supra ostendimus: Atqui si absolute & B efficaciter intenderet finem, & tamen nollet eligere medium quod est unicum, & sine quo finis obtineri non potest, vellet volitione absolutâ & efficaci aliquid impossibile, ut patet: Ergo non potest voluntas, supponit intentione efficaci finis, rejicere medium unicum, sed ad illud eligendum necessitatur.
53. Confirmatur: Si voluntas positâ intentione finis, unicum quod occurrit medium repudiare valeret, posset etiam simul efficaciter velle & nolle obtinere talen finem: Sed hoc dici nequit: Ergo &c. Sequela Majoris probatur: in primis enim finem illum efficaciter vellet, cum intentione non sit simplex affectus & complacentia in fine, sed volitio efficax illius. Non vellet autem illum efficaciter, quia efficax volitio finis est virtualis volitio mediorum, & implicitè seu virtualiter illam continet. Unde Christus dicebat Joan. 14. *Si quis diligit me (scilicet efficaciter) mandata mea servabit.* Et Match. 19. *Si vis in vitam ingredi, serva mandata.* Item de eo qui pauperi non dat eleemosynam, quando ipsa est medium necessarium ad praeceptum charitatis observandum, dicitur i. Joan. 3. *Quomodo caritas Dei manet in illo?*
54. Haec rationes ostendunt, voluntatem ad electionem medijs, quod intellectus judicat esse unicum, necessitari non solum quantum ad specificationem, sed etiam quoad exercitium, pro eo saltim tempore, quo intellectus judicat esse necessarium, ut electio exerceatur ad consecutionem finis: nam impossibile est quod intentio finis sit efficax, nisi in actu exercito inferat electionem mediorum, eo tempore quo finis debet executioni mandari: v. g. qui intendit cras flumen transire, & videt non posse nisi per pontem, potest quidem volitionem talis medijs suspendere usque ad tempus quo debet transire, sed cum instat hora transtulus, non potest talis medijs electionem non ponere.
55. Obijcies contra hanc conclusionem: Si supposita efficaci intentione finis, homo ex necessitate eligeret medium, quod intellectus judicat esse unicum, vel talis necessitas oriretur ex fine, vel ex ipso medio? Neutrum dici potest: Ergo &c. Minor probatur: Talis necessitas non potest peti ex fine, quia finis non moveat efficaciter ad eligendum medium, quam moveat ad scipsum appetendum; cum non moveat ad amorem illius, nisi quia moveat ad amorem sui: Sed finis particularis non moveat voluntatem necessariam ad amorem sui: Ergo nec ad electionem illius medijs. Non potest etiam illa necessitas oriri ex ipso medio: Quia voluntas à nullo bono particulari & limitata necessitari potest: Sed medium illud, quamvis unicum, habet bonitatem fini-
- A tam & limitatam, cùm nullam aliam habeat, præter bonitatem finis extrinsecè participatam, quam supponimus esse limitatam: Ergo, &c.  
 Respondeo necessitatem illam neque ex fine, neque ex medio solitariè sumptis, sed ex necessaria connexione medijs cum fine ortum habere: sicut quando dicitur, *si Petrus currit, necessario mouetur*, necessitas hujus illationis & consequentia, neque ex cursu, neque ex motu Petri, qua sunt contingentia, provenit; sed ex connectione necessaria qua reperitur inter Antecedens & Consequens, & inter motum Petri & ejus cursum. Potest etiam dici, hanc necessitatem provenire ex ipso medio, supposita efficaci intentione finis: quia licet medium, quando est unicum, non habeat omnem rationem boni simpliciter, habet tamen omnimodam utilitatem, quae est bonitas medijs, formaliter ut medium est: quare licet necessitatem omnimodam & absolutam inducere non possit, potest tamen cauare necessitatem secundum quid, & hypotheticam; quae libertati non prajudicat, ut communiter docent Theologi. Unde electio hujus medijs potest esse meritaria, vel culpabilis, ut patet tum in eo qui ex efficaci intentione salutis eligit observantiam præceptorum, quae est unicum & necessarium medium ad vitam æternam consequendam; juxta illud Christi Matth. 19. *Si vis in vitam ingredi, serva mandata.* tum etiam in illo qui habens intentionem efficacem obtinendi sanitatem, audit à Medico unicum medium ad eam consequendam esse accessum ad non suam; talis enim, eligendo illud medium, peccat mortaliter.
- DISPUTATIO X.
- De Consilio & Consensu.*
- Ad questionem 14. & 15. Divi Thoma.*
- E**XPLICATA natura electionis differit S. Doctor de duplaci actu, qui ad illam prærequiritur, consilio scilicet, qui eam dirigit ac regulat, & media per illam acceptanda perquirit; & consensu, qui est approbatio sive complacentia de ipsorum inventione & utilitate. Pauca autem circa hos duos actus dicenda occurunt: unde utrumque hanc disputatione complectemur.
- 
- ARTICVLVS PRIMVS.
- E**VTRUM Consilium formaliter sit sola inquisitio rationis, vel etiam judicium seu sententiam intellectus includat?
- S. I.
- Quibusdam premissis difficultas proponitur & resolvitur.
- N**O TANDVM primò, quod sicut in syllogismo duo sunt, præmissa scilicet & conclusio: ita in consilio, quod est quidam rationis practicæ discursus, & veluti quidam syllogismus prudentiarum, duo præcipue actus intellectus interveniunt; inquisitio scilicet mediorum, qua-

## DE C O N S I L I O E T C O N S E N S V.

191

juvare possunt ad obtinendum finem, & judicium de illorum bonitate & convenientia: pri-  
mum se habet ut via, secundum ut terminus:  
nam per inquisitionem rationis pervenimus ad  
judicium de mediis convenientibus.

2. Notandum secundo, quod duplex est judicium terminans actum consultationis circa media: primum est, quod intellectus judicat ex multis mediis propositis aliqua esse utilia, & alia inutilia; quod judicium sequitur consensus, respectu mediorum utilium, ut dicemus articulo sequenti: secundum est, quod ex mediis jam inventis per inquisitionem, & judicatis utilibus, facta iterum collatione utilitatis eorum inter ipsa, judicat intellectus unum esse utilius & convenientius, subindeque ceteris preferendum; & hoc judicium, quod appellatur sententia, seu deliberatio, immediate derivat electioni. Inquirimus ergo, an consilium consistat solum in inquisitione mediiorum, vel etiam includat judicium seu sententiam, quâ intellectus prædictè judicat hoc medium esse eligendum; que est veluti conclusio totius processus qui reperitur in consilio. Pro resolutione

3. Dico, consilium humanum, seu prout reperitur in hominibus, utrumque actum includere: in Deo vero non dicere inquisitionem & consultationem de mediis, sed tantum judicium rationis practicae de eorum convenientia & bonitate. Ita communiter docent Thomista, praesertim Cajetanus & Conradus hic art. i. contra Vazquem, Azorium, Corneio, & alios Recentiores, exigitantes consilium in sola inquisitione mediiorum consistere.

4. Probatur prima pars ratione notabili primo insinuata. Consilium est quidam rationis practicae discursus, & veluti quidam syllogismus prudentiae, cuius conclusio est judicium, seu sententia; unde sicut in speculativis præmissæ solum inchoative sunt syllogismi; completa autem per conclusionem quam inferunt, simul cum ea perfectum syllogismum efficiunt: ita in practicis inquisitio rationis solum inchoative est consilium, completa autem per judicium, simul cum ipso consilium perfectè & complete efficit & componit.

5. Confirmatur: Tam in consilio communis plurius, quam in particulari cuiuscumque, si multiplicatis difficultatibus non pervenitur ad judicium, seu deliberationem & sententiam, sed ipsa in aliud diem vel horam differtur, communiter omnes sentiunt & dicunt consilium non esse, completum: Ergo consilium, secundum communem modum concipiendi & loquendi, non solum inquisitionem & consultationem de mediis, sed etiam judicium seu sententiam de eorum convenientia & bonitate importat.

6. Confirmatur amplius: Si judicium esset omnino extra consilium, illud nullo modo reperiatur in Deo: Sed hoc dici nequit: Ergo ne illud. Sequela Majoris patet: nam ut statim dicimus, in Deo non reperiatur inquisitio seu consultatio de mediis: Ergo si consilium in ea solum consisteret, & judicium seu sententiam de convenientia mediiorum non importaret, nullo modo reperiatur in Deo. Minor vero probatur ex variis Scripturæ locis, in quibus Deo & Christo passim attribuitur consilium: nam Job. 12. dicitur: *Apud ipsum est sapientia & fortitudo, & ipse habet consilium & intelligentiam.* Et Je-remia 32. Deus appellatur, *Magnus consilio &*

*A incomprehensibilis cogitau. Item Isaiae 46. Deus dicit: Consilium meum stabit & omnis voluntas mea fieri. Et Apostolus ad Ephes. i. afferit quod Deus operatur omnia secundum consilium voluntatis sue. Denique Isaiae 9. Christus vocatur Admirabilis consiliarius, & cap. ii. Spiritus consilij super eum requiescere dicitur. At haec loca debent in sensu proprio & non metaphorico accipi; cum ex hoc nullum sequatur inconveniens, ut patebit ex dicendis in probatione secunda parti: Ergo consilium reperitur in Deo.*

Probatur igitur secunda pars conclusionis ex D. Thoma i. p. qu. 22. art. i. ad t. ubi ait: *Ipsa*

*B ratio rerum agendarum consilium in Deo dicitur, non proper inquisitionem, sed proper certitudinem cognitionis, ad quam consiliantes inquirendo pervenient. Et clariss hinc art. i. cum sibi obiecisset in secundo argumento: Inquirere intellectus discurrentis est, & sic Deo non convenit, cuius cognitio non est discursiva: Sed consilium Deo attribuitur, dicitur enim ad Ephes. i. quod operatur omnia secundum consilium voluntatis sue: Ergo consilium non est inquisitio: Respondet,*

*Quod ea qua dicuntur de Deo, accipenda sunt absque omni defectu qui inventur in nobis: sicut in nobis scientia est conclusum per discursum & causis in effectus: Sed scientia dicta de Deo, si*

*C gnificat certitudinem de omnibus effectibus in prima causa, absque omni discursu. Et similiter consilium attribuitur Deo, quantum ad certitudinem scientie, vel judicij, que in nobis provenit ex inquisitione consilij: Sed hujusmodi inquisitio in Deo locum non habet: & ideo consilium secundum hoc Deo non tribuitur. Et secundum hoc Damascenus dicit, quod Deus non consiliatur, ignorantis enim est consiliari. Quibus verbis clare docet, quod sicut scientia repetitur in Deo, absque discursu; it & consilium absque inquisitione: quia inquisitio supponit ignorantiam vel dubitationem; nemo enim prudens inquirit quod probè seit, nec querit quod possidet: ignorantia autem & dubitatio non habent locum in Deo: Ergo neque inquisitio. In Angelis tamen, in quibus potest esse nescientia, potest etiam esse inquisitio, licet sine discursu. Unde Dionysius 7. cap. celestis hierarchie introducit Angelos questionem facientes ad Jesum de suscepere pro nobis carnis opere, juxta illud Isaiae 63. *Quis est iste qui venit de Edom, tintoris vestibus de Bostra? Iste est formosus in stola sua.* Et Psal. 43. *Quis est iste Rex glorie?* Quare in Angelis consilium de supernaturalibus, quorum habent nescientiam, non solum judicium, sed etiam inquisitionem potest includere, quia de illis dubitare possunt.*

### S. III.

#### Solvuntur objectiones.

**O**BI CIES primò contra p̄tinam partem conclusionis: D. Thomas hic art. i. ait: *Inquisitio rationis qua est ante judicium de eligendis, consilium vocatur:* Ergo consilium non includit judicium, sed in sola inquisitione rationis constitit.

Respondeo Divum Thomam loqui de consilio inchoative: nam sicut præmissæ ante conclusionem sunt syllogismi inchoative; ita inquisitio rationis ante judicium de eligendis, est inchoative consilium: sicut tamen syllogismus

## DISPV T A T I O D E C I M A

non censetur complectus ante conclusionem, ita nec consilium ante judicium seu deliberationem de agendis; si enim inquiritur, & ad deliberationem & resolutionem non pervenit, nihil datur consilii. Unde Caetanus hic art. 1. ait: *Consilium significat inquisitionem completam, id est, usque ad judicium inclusivum.*

9. Obijcits secundo: Consilium & judicium sunt actus diversarum virtutum: Ergo unum non includitur in alio. Consequentia videtur bona: nam si unus ex illis actibus in alio includeretur, scilicet judicium in consilio, ab eadem virtute uterque eliceretur. Antecedens verò est D. Thomas infra qu. 57. art. 6. & 2. 2. qu. 51. art. 1. & 3. ubi docet Eubuliam esse virtutem ad benè consiliandum, & synesim ad rectè judicandum.

10. Respondeo distingendo Antecedens: Consilium & judicium sunt actus diversarum virtutum, si loquaris de consilio inadæquate, concedo; sic enim una pars ejus, quæ est inquisitio, est actus eubulicæ, alia verò actus synesim, seu gnome: si autem loquaris de consilio adæquate, nego. Nam sicut consilium adæquate sumptum dicit duos actus rationis, scilicet inquirere & judicare; sic ad ipsum concurrunt duæ virtutes prædictæ, sed neutra producit consilium adæquate. Nec mirum quod totus syllologismus practicus procedat à duplice virtute intellectuali practica; cùm etiam integres syllologismus speculativus procedat à duplice virtute intellectuali speculativa, scilicet ab intelligentia quantum ad prämissas, & à scientia quantum ad conclusionem.

## S. III.

## Corollarium precedentis doctrine.

II. Ex dictis inferes, consilium, ut reperitur in hominibus, esse inquisitionem & judicium rationis practicæ circa media à nobis apponenda, quando res est dubia, & momenti aliquius. In qua definitione inquisitio & judicium est genus, quia in homine non reperitur judicium absque prævia inquisitione. Additur *rationis practica*, quia inquisitiones & judicia intellectus speculativi, ut Mathematicæ consultaciones & demonstrationes, consilia non sunt, ut dicit Aristoteles 3. Ethic. cap. 3. Subditur *circa media*, quia ut docet S. Thomas hic art. 2. consilium non est de fine, sed solum de his quæ sunt ad finem: cùm enim sit quidam discursus intellectus practici, ut supra ostendimus, sicut discursus non est de principiis, sed de conclusiobus; ita nec consilium de fine, qui si habet ut primum principium in agibilibus, sed solum de mediis, quæ ad ejus affectionem conducent. Unde Aristoteles 3. Ethic. cap. 5. *Consultamus, inquit, non de fine, sed de his quæ ad finem tendunt: nam neque medicus an sanare, neque orator an persuadere, neque politicus an bonis legibus civitatem temperare debeat, neque ex aliis quispiam de fine consultat; sed omnes cum finem quemdam statuerint, quomodo aut per quæ eam consequi possint deliberant.* Deinde dicitur à nobis apponenda, quia ut probatur art. 3. consilium solum est circa ea quæ à nobis aguntur, seu quæ cura & dominio nostro subjecta sunt. Unde Galli v. g. non habent consilere quomodo Indi vivere vel negotiari debeat. Tandem ponitur, quædores est dubia, & momenti aliqui, quia ut docet S. Doctor art. 4. ca

A quæ sunt certa & determinata in aliqua arte vel disciplina, sub consilio non cadunt: Vanè enim (inquit Aristoteles ubi supra) consuleret Grammaticus, quomodo formandi sunt litterarum characteres, & Geometra quomodo describendum sit trigonum, quomodo circulus; haec quippe eodem modo fiunt, & in arte determinata sunt. Sic Moyses Exodi 25. non consuluit artifices peritos, quomodo fabricandum esset tabernaculum, quia jam id determinaverat Deus. Similiter etiam de rebus parvis non est consilatio: nam de illis vir prudens non est sollicitus, quia parvum refert quod sic vel aliter agantur, aut contingent: unde dicitur quod *de minimis non curat Pretor*. Et per hæc satis videntur exposta quæ docet D. Thomas qu. 14.

Solum id quod art. 5. dicit, nempe consilium fieri modo resolutorio, indiget explicazione, quoniam à Caetano & aliis obscure exponitur. Scendum est igitur, quod in rebus materialibus processum hunc resolutivum appellamus, qui procedit ab eo quod est posterius in esse, ad id quod est prius; sic enim resolutio domus v. g. procedit à forma domus, ad lapides, ligna & alia quæ prius fuerunt in esse, quām ipsa forma domus. Econtra verò processus ille compositivus dicitur, qui ab his quæ sunt priora in esse, ad ea quæ sunt in esse posteriora, & in cognitione seu intentione priora, ascendit, ut patet in constructione domus: forma enim domus, quæ in intentione & cognitione artificis prior est, resultat ex coniunctione lapidum, lignorum, & similium, quæ in esse & in ordine executionis priora sunt, & posteriora in ordine intentionis. Quia ergo consilium à fine, qui est posterior in esse & in executione, procedit ad media, quæ in eodem ordine priora sunt, utpote causæ ipsius finis, modo resolutorio procedere dicitur. Usus verò & imperium, modo compositivo procedunt: quia à mediis, quæ sunt in esse & in executione priora, ascendunt ad finem, qui in cognitione & intentione prior est, & posterior in executione.

## ARTICVLVS II.

*An Consensus sit actus realiter ab electione distinctus?*

NOTA primò: nomen *Consensus* tribui posse cuicunque actui libero voluntatis, acceptantis bonum ab intellectu propositum, quomodo dicitur peccatum perfici consensu; & sic non est specialis actus voluntatis, nec solum circa media, sed etiam circa finem versatur: quia tamen consensus propriè videtur fieri post perfectam deliberationem & consultationem, ideo peculariter usurpatur à Theologis ad significandum quandam peculiari voluntatis actum circa media, jam à ratione proposita, & judicata convenientia; & de consensu sic accepto inquirimus, an sit actus ab electione realiter distinctus?

Nota secundò, quod cùm consensus sequatur judicium de convenientia & utilitate medium, & intellectus judicare possit, plura media vel unum tantum ad finem obtinendum posse conducere, voluntas per consensum, vel in plura media, vel in unum tantum ferri potest. His prämissis,

Dico: Cùm voluntas per consensum fertur ad plura